



MØTEINNKALLING

Utval: Kommunestyret
Møtedato 28.10.2020
Møtetid: Kl. 16:00
Møtestad: Biblioteket på Bjørkheim

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordførar

SAKLISTE

Saker til handsaming på møtet

Sak nr.	Arkivsak	Sakstittel	Merknad
064/2020	20/838	Faste saker	
065/2020	18/554	Vedtak av kommunedelplan for Fv. 49 Tunnel forbi Tokagjelet	
066/2020	20/479	Fornyning av salsløyver for alkohollhaldig drykk - Kiwi Bjørkheim og Spar Bjørkheim	
067/2020	20/637	Fornyning av skjenkeløyve - Bjørkheim Kro og Motel AS	
068/2020	20/624	Fornyning av skjenkeløyve - Milano Pizzeria Bjørkheim	Ikkje offentlig
069/2020	20/636	Fornyning av skjenkeløyve - "Alpinisten" i Eikedalen skisenter - Nitter Nordlinder AS	
070/2020	19/804	Suppleringsval - Sakkunnig nemnd for eigedomsskatt 2020-2023	
071/2020	20/260	Fråtreiding frå kommunale verv for Oskar Konrad Kienitz - samt opprykk og nyval som følgje av fråtreidinga	
072/2020	20/222	Varsel om arbeidstilhøva i Samnanger kommune	
073/2020	20/222	Tilleggsloøyving - Kontrollutvalet	
074/2020	20/222	Plan for forvaltningsrevisjon - Samnanger kommune	
075/2020	20/222	Plan for eigarskapskontroll - Samnanger kommune	
076/2020	19/255	Førerspurnad om suspendering av foreldingsfrist for mogeleg krav om erstatning	
077/2020	20/833	Sal av konsesjonskraft - delegering av mynde til rådmannen	
078/2020	19/303	Ny samarbeidsavtale Bergen og omland friluftsråd (BOF)	
079/2020	18/951	Tilskot ekstraordinært kommunalt næringsfond	
080/2020	18/1485	Kommunalt tilskot til private barnehagar for 2021	

Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Orienteringssaker/referatsaker
- Utvalet sitt kvarter



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 20/838	Løpenr: 20/8881
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	064/2020

Faste saker

Rådmannen sitt framlegg til vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Ordføraren orienterer.
Rådmannen orienterer.
Eventuelle andre orienteringssaker/referatsaker.
Utvalet sitt kvarter.



SAKSFRAMLEGG

Sakshandsamar: Ragnhild Lønningdal	Arkivkode: FA-Q10
Arkivsaksnr: 18/554	Løpenr: 20/7148
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	13.10.2020	021/2020
Kommunestyret	28.10.2020	065/2020

Vedtak av kommunedelplan for Fv. 49 Tunnel forbi Tokagjelet

13.10.2020 Naturutvalet:

Handsaming i møtet:

Utvalet drøfta framlegg til vedtak, og kom fram følgjande tilleggspunkt sett fram av Karl Kolbotn (Frp) og Monica Tjønnå (Sp): "Tiltaket bør finansierast utan bompenger, men dersom det det vert bompengar krev Samnanger kommune at eksempel 1 (s.95 pkt 6.5.2 Bompengelopplegg i plan omtalen) mtp bompengefinansiering vert inne i ny tunnel.

Samnanger kommune ber om at mest mogleg LNF og dyrka mark vert uberørt"

NAT- 021/2020 Vedtak:

Med heimel i plan- og bygningslova §§ 11-1 tredje ledd og 11-15 vert det gjort endeleg vedtak av kommunedelplan for Fv. 49 Tunnel forbi Tokagjelet, PlanID 1242201701. Planen består av føresegner og retningslinjer, plankart og planomtale, for strekninga Eikedalen (E3) til Kletten (B1). Planen er utarbeidd av Statens vegvesen og Vestland fylkeskommune.

Tiltaket bør finansierast utan bompengar, men dersom det vert bompengar krev Samnanger kommune at eksempel 1 (s.95 pkt. 6.5.2 Bompengelopplegg i planomtalen) mtp bompengefinansiering vert inne i ny tunnel.

Samnanger kommune ber om at mest mogleg LNF og dyrka mark vert urørt.

Rådmannen sitt framlegg til vedtak:

Med heimel i plan- og bygningslova §§ 11-1 tredje ledd og 11-15 vert det gjort endeleg vedtak av kommunedelplan for Fv. 49 Tunnel forbi Tokagjelet, PlanID 1242201701. Planen består av føresegner og retningslinjer, plankart og planomtale, for strekninga Eikedalen (E3) til Kletten (B1). Planen er utarbeidd av Statens vegvesen og Vestland fylkeskommune.

Dokument som er vedlagt:

Fv. 49 Tunnel forbi Tokagjelet. Oversending av kommunedelplan for politisk handsaming

Kva saka gjeld:

Det er utarbeidd kommunedelplan (KDP) med konsekvensutgreiing (KU) for fylkesveg 49 mellom Steinsdalen i Kvam herad og Eikedalen i Samnanger kommune. Kommunedelplanen gjeld sikring mot skred av strekninga forbi Tokagjelet i Kvam herad.

Statens vegvesen stod for utarbeiding av planforslaget, og la forslag til kommunedelplan ut til offentleg ettersyn og høyring i perioden 7. oktober til 23. november 2019. Høyringsfristen vart forlenga til 19. januar 2020. I løpet av høyringsperioden kom det inn 31 merknader, og desse er å finna i planomtalen. I planomtalen kjem det òg fram kva vurderingar og endringar som er gjort etter høyringsperioden. Vestland fylkeskommune overtok arbeidet med kommunedelplanen frå 01.01.2020, og stod for handsaming av innkomne merknader og ferdigstilling av kommunedelplanen.

Etter høyring er det arbeidd vidare med to aktuelle alternativ. Dette er:

- B1 Kletten – E1 Kleven
- B1 Kletten – E3 Eikedalen

Det er i planomtalen gitt ei nærare vurdering av desse to alternativa, og grunngjeving for tilråding av alternativ B1 Kletten – E3 Eikedalen. Tilrådd alternativ er kostnadsrekna til 1,9 – 3,1 mrd. Kr, med 25% usikkerheitsmargin.

Vestland fylkeskommune har no oversendt kommunedelplanen til Kvam herad og Samnanger kommune for politisk handsaming og endeleg vedtak. Fylkeskommunen hadde ein presentasjon av endeleg framlegg til plan i kommunestyret sitt møte den 11. juni 2020. Kvam herad har i løpet av september 2020 handsama saka i miljø-, plan- og bygningsutvalet, formannskapet og i heradsstyret, og dei har vedteke det tilrådde Eikedalsalternativet. Det fører til at også Samnanger skal handsama kommunedelplanen, med mogleg endeleg vedtak.

Det er etter høyring gjort nokre mindre endringar i alternativa Kletten B1 (i Kvam) og Eikedalen E3 (i Kvam og Samnanger):

Kletten B1

Påhoggsområdet må leggest litt lenger vest enn vist på tidlegare teikning. Dette for å få god nok fjelloverdekking over tunnelen. Endringa medfører også litt omlegging av lokalvegen for å få plass til å legge denne over portalen til ny tunnel. Endringa medfører om lag 100 m kortare tunnel enn opphavleg løysing, både til E1 Kleven og E3 Eikedalen. Endeleg plassering av påhogg må fastsettast i reguleringsplanfasen.

Eikedalen E3

Påhoggsområdet må flyttast til om lag 150 – 250 m nord for Teigabergtunnelen for å unngå å gå inn i eit område med mektige lausmassar. Påhoggsalternativet vil då kunna gå rett inn i bergveggen som er om lag 200 m høg. Det vil bli behov for reinsk av fjellveggen og sikring i anleggsperioden. Tunnelportal vil gje permanent sikring av vegen mot nedfall av stein. Endring av plassering av tunnelpåhogg vil gje om lag 200 m kortare tunnel mellom B1 Kletten og E3 Eikedalen enn opphavsleg påhogg. Endeleg plassering av påhogg må fastsettast i reguleringsplanfasen.

Planomtalen har følgjande figur, som illustrerer endringane i Eikedalen E3. Endringane har berre konsekvensar i Kvam herad:



Figur 3: Endring av påhogg i Eikedalen. Svart linje viser alternativ plassering av ny veglinje for fv. 49. Lokalveg, vist med mørk grå linje, kan leggest på bru over ny fylkesveg i staden for over portal som planlagt i opprinneleg løysing.

Vurderingar og konsekvensar:

Vestland fylkeskommune skildrar og svarar på Samnanger kommune sitt høyringsinnspel slik:

Samnanger kommune skal i samarbeid med Kvam herad bygge ut offentleg vatn- og avløpsnett på strekninga Eikedalen – Fossen Bratte tunell, og er i oppstarten av reguleringsplanarbeidet. I den samanheng vert det og regulert for gang- og sykkelveg i same trasé. Dei har god von om at denne er ferdig etablert før trafikkauken er ein realitet, fordi kommuneplanens arealdel har rekkjefølgjekrav om gang- og sykkelveg fram til nye-/utvida område for fritidsbustader nedover mot Fossen Bratte. Dei meiner dette kan løysast med utbyggingsavtalar. Detaljar kring arealbruken vil dei komme attende til ved ein ev. reguleringsplan for dette tunnelalternativet.

Kommunestyret har gjort følgjande vedtak i samband med kommunedelplan for fv. 49 forbi Tokagjelet:

- Grunna auka belastning på vegen i Samnanger i forbindelse med tunnel gjennom Tåkagjelet, så ønskjer vi utbetring og trafiksikringstiltak som avbøtande tiltak.
- Samnanger kommune støttar ikkje alternativ med utløp på Jarland.


Vurdering frå Vestland fylkeskommune

Det er usikkert kva tid andre utbetringstiltak langs denne vegen vil bli prioritert med offentlege midlar. Ut over tunneloppgradering ligg det ikkje føre planar om utbetringar på denne strekninga.


Samnanger næringsforum hadde følgjande uttale til planen under offentleg ettersyn:

Meiner at alternativ E3-B1 (Eikedalen – Kletten) bør veljast, og at dette alternativet er betre enn E1-B2 (Kleven – Nybø), som er vurdert som beste alternativ for kort tunnel under konklusjonen i planomtalen. Dei argumenterer med at E3-B1 vil vere til god nytte for gjennomgangstrafikken, samtidig som ein vil bevare friluftsområdet og hytteområdet ved Kleven. Tunnelen vert bygd i rett retning med ca. 3,2 % stigning, og ein unngår at det må leggest inn svingar for å tilfredsstille stigningskravet på 5%. Dei meiner elles at påhogg ved Nybø (B2) er det dårlegaste i Steinsdalen, og grunngjev dette med m.a. stigning på veg i dagen på ca. 7,7 % og problem med frostrøyk frå elv like ved som fører til glatt køyrebane. Samnanger Næringsforum meiner elles at Eikedalen er ein naturleg stad for påhogg for framtidig utbetring mot Samnanger, og at det er fleire dårlege parti på strekninga Eikedalen – Trengereid langs eksisterande fv.49. Dei viser elles til at det er aukande trafikk også på fv. 49 gjennom Samnanger, og at det er viktig at vegen vert utbetra og godt vedlikehalden, også vidare frå Eikedalen til Trengereid.

På kommunedelplannivå er eit plankart veldig grovt, og dei fleste detaljar skal bestemmast nærare gjennom ein reguleringsplan. Ny trasè for fv 49 inn mot det nye tunnelpåhogget i Eikedalen er illustrert med raud linje i plankartet:



Den nye veglinja får konsekvensar i form av riving av ein til to fritidsbustader på nedsida av dagens veg. Framtidig reguleringsplan for prosjektet vil fastsetja endeleg veglinje, men det er lite truleg at desse fritidsbustadane vil bli ståande, sjå kartutsnitt:



Prosjektet er svært viktig for Kvam herad, og i si saksutgreiing omtaler administrasjonen dette som ei av dei absolutt viktigaste sakene som skal handsamast i denne heradsstyreperioden. Vidare skildrar ein kor viktig planen er for Kvam:

«Kvammasamfunnet har i løpet av dei siste åra sett kor viktig det er med trygg og open veg i mellom Kvamskogen og store delar av kommunen. Når vegen i Tokagjelet er stengt og vegen til Bergen vert lengre for svært mange, stoppar mykje opp og næringslivet vert handlingslamma. Ein ny og framtidsretta kommunedelplan vil vera første steget mot ein tryggare veg igjennom Tokagjelet.»

Planskildringa s. 3 – 26 gjev ein grundig gjennomgang av vurderingane for tilråding av alternativ. Administrasjonen meiner at planen er godt gjennomarbeidd, og gjev eit grunnlag for vidare reguleringsplan for dette prosjektet. Alternativet Eikedalen E3 er vurdert til å vera det beste etter ei samfunnsøkonomisk vurdering.

Tilrådd alternativ E3 – B1 er kostnadsrekna til 1,9 – 3,1 mrd. Kr, med 25% usikkerhetsmargin. Vestland fylkeskommune vil arbeida vidare med finansieringsplan for prosjektet i dialog med Kvam herad og Samnanger kommune, som del av fylkeskommunen sitt arbeid med Regional transportplan 2022-2033. Samnanger er allereie invitert inn til eit første møte.

Administrasjonen rår til at kommunedelplan for Fv. 49 Tunnel forbi Tokagjelet vert vedteken, alternativ Eikedalen E3 – Kletten B1.



SAKSFRAMLEGG

Sakshandsamar: Marianne Soleng	Arkivkode: FA-U62, TI-&18
Arkivsaksnr: 20/479	Løpenr: 20/7110
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	066/2020

Fornyng av salsløyver for alkoholhaldig drykk - Kiwi Bjørkheim og Spar Bjørkheim

Rådmannen sitt framlegg til vedtak:

NG Kiwi Vest AS (org.nr. 979 443 137) får med heimel i alkoholloven §1-6 løyve til sal av alkoholhaldig drykk til og med gruppe 1 (jf. alkoholforskriften §1-1) i lokala i Bjørkheim 10, 5652 Årland disponert av Kiwi 876 Bjørkheim. Løyvet gjeld til og med 30.09.2024.

Styrar for salsløyvet: Håvard Tvedterås (f. 14.07.84)

Stedfortredar for styrar: Irene Utskot (f.24.05.66)

K. Knutsen AS (org.nr. 871 061 882) får med heimel i alkoholloven §1-6 løyve til sal av alkoholhaldig drykk til og med gruppe 1 (jf. alkoholforskriften §1-1) i lokala i Bjørkheim 26, 5652 Årland disponert av Spar Bjørkheim. Løyvet gjeld til og med 30.09.2024.

Styrar for salsløyvet er Erlend Steinsland (f. 19.08.73)

Stedfortredar for styrar er Reidun Hekland (f. 01.10.55)

Dokument som ikkje er vedlagt:

Søknadar om fornyng av salsløyver frå Kiwi Bjørkheim og Spar Bjørkheim

Alkoholloven med forskrifter

Helsedirektoratet sine kommentarar til alkoholloven

Uttalar frå NAV, Skatteetaten og Vest politidistrikt

Kva saka gjeld:

Samnanger kommune mottok, i slutten av juli 2020, søknadar frå K.Knutsen AS (Spar Bjørkheim) og NG Kiwi Vest AS (Kiwi Bjørkheim) om fornyng av kommunale salsløyve for sal av alkoholhaldig drykk, gruppe 1. Kommunestyret har kvar løyveperiode, sidan Kiwi og Spar opna butikkane på Bjørkheim og fekk kommunalt salsløyve, fått fornya løyva sine.

Vurderingar og konsekvensar:

Den 10.08.2020 vart det jf. alkoholloven §1-7 sendt ut anmodning om uttale til NAV, Skatteetaten og Vest politidistrikt. Ingen av etatane hadde merknadar til søknadane.

Administrasjonen har også vandelssjekka løyvehavarar og personar som har vesentleg innflytelse på verksemda opp mot alkohollovgjevinga og avgjerd i anna lovgjeving som har samanheng med alkohollova sitt formål. Forhold som er eldre enn 10 år vert ikkje tekne omsyn til. Politiet hadde ingen merknadar til personane som har desse rollene i verksemdene.

Først 05.10.2020 mottok kommunen svar på spørsmål om uttale og vandelssjekk frå politiet. Det gjeldande salsløyve som butikkane fekk i 2016 gjekk ut 30.09.2020. For å unngå at Spar og Kiwi på Bjørkheim fekk opphald i løyvet, gav administrasjonen midlertidig fornying av gjeldande løyve ut 2021. Dette for at kommunestyret skal få tid til å behandle saka politisk.

Kommunalt salsløyve for sal av alkoholhaldig drykk gjeld for opptil 4 år i gongen, med opphøyr seinast 30. september året etter at nytt kommunestyre tiltrer. Dersom kommunen etter kommunevalet har føretatt ein gjennomgang av alkoholpolitikken i kommunen samt vurdert løyvepolitikken, kan kommunen velja å gje løyve som går utover 4 år. Kommunen kan vedta at ingen løyver opphøyr, eller fastsetja nærare retningslinjer for kva løyve det må søkjast fornying for.

Samnanger kommune har ikkje gått igjennom alkoholpolitikken i kommune i inneverande kommunestyreperioden. Dette gjer til at eit vedtak om fornying av salsløyva for Spar og Kiwi vil i denne omgang gjelda fram til seinast 30.09 2024.



SAKSFRAMLEGG

Sakshandsamar: Marianne Soleng	Arkivkode: FA-U63
Arkivsaksnr: 20/637	Løpenr: 20/7114
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	067/2020

Fornyng av skjenkeløyve - Bjørkheim Kro og Motel AS

Rådmannen sitt framlegg til vedtak:

Bjørkheim Kro og Motell AS (org.nr. 986 679 820) frå løyve til skjenking av alkoholhaldig drykk jf. §1-6 i alkoholloven i sine lokale i Bjørkheim 5, 5652 Årland i Samnanger kommune.

Løyvet gjeld:

- skjenking av alkoholhaldig drykk (gruppe 1 og 2) frå kl. 08:00 til kl. 02:00.
- skjenking av alkoholhaldig drykk (gruppe 3) frå kl. 13:00 til kl. 02:00.
- også uteservering på avgrensa terrasse mot sjøen.

Styrar for skjenkeløyvet : Mia-Linn Øpstad-Gjerde f. 02.05.88

Stedfortredar for styrar: Shirin Kvernes Khadoor f. 10.07.87

Dokument som ikkje er vedlagt:

Alkoholloven med forskrifter

Uttalar frå Vest politidistrikt, NAV Samnanger og Skatteetaten

Søknad om fornyng av skjenkeløyve

Kva saka gjeld:

Det ligg føre søknad frå Bjørkheim Kro og Motell AS (org.nr 986 679 820) om fornyng av skjenkeløyve for løyveperioden t.o.m 30.09.2024. Det vert søkt om det same som dei har i løyvet i dag.

Vurderingar og konsekvensar:

Bjørkheim Kro og Motell AS har sidan dei opna verksenda hatt kommunalt skjenkeløyve for øl, vin og brennevin. Løyvet har vorte fornya ved kvar ny løyveperiode av kommunestyret.

Pr. i dag har Bjørkheim Kro og Motell AS følgjande løyve vedteke i kommunestyresak 059/16:

« Bjørkheim Kro og Motell AS frå løyve til skjenking av alkoholhaldig drykk (jf. §1-6 i alkoholloven).

Løyvet gjeld:

- skjenking av alkoholhaldig drykk (gruppe 1 og 2) frå kl. 08:00 til kl. 02:00.
- skjenking av alkoholhaldig drykk (gruppe 3) frå kl. 13:00 til kl. 02:00.
- også uteservering på avgrensa terrasse mot sjøen.»

Samnanger kommune har, saman med 10 andre kommunar, inngått interkommunalt samarbeid med sals- og skjenkekontrollen i Kvam. Skjenkekontrollen har jamnleg kontrollar med skjenkestaden både på dagtid og på kveldstid. Kommunen har ikkje fått tilbakemelding frå skjenkekontrollen eller politiet om at Bjørkheim Kro og Motell AS har hatt brot på regelverk knytt opp mot skjenking av alkohol.

Bjørkheim Kro og Motell AS leiger inn profesjonelt vaktsselskap til pubarrangement dei har i lokala sine.

Den 10.08.2020 vart det jf. alkoholoven §1-7 sendt ut anmodning om uttale til NAV, Skatteetaten og Vest politidistrikt. Ingen av etatane hadde merknader til søknaden.

Styrar og stedfortredar i tillegg til eigar/ løyvehavar vart vandelssjekka jf. alkoholoven §1-7 b og c. Politiet hadde ingen merknadar til nokon av personane.

Saksframlegget i kommunestyresak 068/2020 («Fornyning av skjenkeløyve – Milano Pizzeria Bjørkheim») er unnateke frå offentleg innsyn, og er derfor ikkje med i denne offentlege varianten av møteinnkalinga.



SAKSFRAMLEGG

Sakshandsamar: Marianne Soleng	Arkivkode: FA-U63
Arkivsaksnr: 20/636	Løpenr: 20/9185
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	069/2020

Fornyng av skjenkeløyve - "Alpinisten" i Eikedalen skisenter - Nitter Nordlinder AS

Rådmannen sitt framlegg til vedtak:

Vedtak:

Nitter Nordlinder AS (org.nr: 921 440 413) får med heimel i Alkoholloven §1-6 løyve til skjenking av alkoholhaldig drykk (gruppe 1, 2 og 3 jf. Alkoholforskriften §1-1) i Eikedalen skisenter AS (org.nr: 931 921 568) sitt lokale «Alpinisten» i Kråvegen 108, 5650 Tysse.

Løyvet gjeld:

- skjenking av alkoholhaldig drykk (gr. 1 og 2) frå kl. 10:00 – kl. 02:00.
- skjenking av alkoholhaldig drykk (gr. 3) frå kl. 13:00 – kl. 00:00 (jf. Al. §4-4 4.ledd).
- eit avgrensa uteområde/ terrassen utanfor lokalet.

Styrar for skjenkeløyvet: Børge Nordlinder Nitter (f. 17.05.70)

Stedfortredar for styrar: Anca Mihaela Nitter (f. 22.10.83)

Dokument som er vedlagt:

Uttale frå politiet datert 12.02.2019

Dokument som ikkje er vedlagt:

Alkoholloven med forskrifter

Søknad med vedlegg

Kva saka gjeld:

Samnanger kommune har motteke søknad om fornyng av skjenkeløyve frå Nitter Nordlinder AS i «Alpinisten» i Eikedalen skisenter. Søkjar fekk første gong kommunalt skjenkeløyve i februar 2019.

KS- 004/2019 Vedtak:

Nitter Nordlinder AS (org.nr: 921 440 413) får med heimel i Alkoholloven §1-6 løyve til skjenking av alkoholhaldig drykk (gruppe 1, 2 og 3 jf. Alkoholforskriften §1-1) i Eikedalen skisenter AS (org.nr: 931 921 568) sitt lokale «Alpinisten» i Kråvegen 108, 5650 Tysse.

Løyvet gjeld:

- skjenking av alkoholhaldig drykk (gr. 1 og 2) frå kl. 12:00 – kl. 22:00.
- skjenking av alkoholhaldig drykk (gr. 3) frå kl. 13:00 – kl. 22:00 (jf. Al. §4-4 4.ledd).
- eit avgrensa uteområde/ terrassen utanfor lokalet.

I søknad om fornying er det søkt om skjenking av alkoholhaldig drykk gruppe 1 og 2 mellom kl. 10:00 og kl. 02:00 og gruppe 3 mellom kl. 10:00 og kl. 00:00.

På uteplassen er det søkt om skjenking for alle grupper mellom kl.10:00 og kl. 20:00.

Vurderingar og konsekvensar:

Det er ikkje henta inn skriftleg uttale frå NAV, Skatteetaten eller frå Vest politidistrikt. Dette fordi det er kort tid sidan kommunen sist henta inn uttalar frå desse etatane vedrørande denne verksemda.

I tillegg har det i telefonsamtale med Vest politidistrikt v/ Terje Sperrevik vorte bekrefta at det ikkje er endringar eller ytterlegare kommentarar til uttalen som kommunen alt har motteke.

Uttalen frå politiet frå 2019, som også kommunestyret fekk ved førre handsaming, ligg som vedlegg til dette saksframlegget.

I alkoholloven §4-4. 4.ledd er det fastsett maksimaltid for skjenking. Kommunen kan ikkje fastsetja skjenketider som går utover dette. I praksis betyr det at det er forbode å skjenke alkoholholdig drykk i gruppe 3 mellom kl. 03:00 og 13:00. Kommunen har difor ikkje høve til å gje løyve til skjenking i gruppe 3 frå kl. 10:00 som søkjar ønskjer.

Kommunen fekk ikkje merknader til vandelssjekken som vart gjort på styrar og stedfortredar i 2019.

Skjenkekontrollen har hatt fleire tilsyn i «Alpinisten» sidan skjenkeløyve vart gjeve i 2019. Det har ikkje vorte avdekka nokon brudd på regleverket ved desse tilsyna.



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 19/804	Løpenr: 20/7967
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	16.09.2020	050/2020
Kommunestyret	28.10.2020	070/2020

Suppleringsval - Sakkunnig nemnd for eigedomsskatt 2020-2023

16.09.2020 Kommunestyret:

Handsaming i møtet:

Arild Røen (H) orienterte om at det framleis ikkje har lukkast å finna ein person som har sagt ja til å stilla som kandidat til den sakkunnige nemnda for eigedomsskatt.

Det vart samrøystes vedteke å utsetja saka.

KS- 050/2020 Vedtak:

Saka vert utsett.

Arbeidsutvalet sitt framlegg til vedtak:

Forslag vert lagt fram i møtet.

Dokument som ikkje er vedlagt:

Eigedomsskattelova

Kommunelova

Samnanger kommune sine eigedomsskattevedtekter

Kva saka gjeld:

Kommunestyret valde 05.12.2019 (sak 090/2019) medlemmer og varamedlemmer til sakkunnig nemnd for eigedomsskatt 2019-2023.

Følgjande personar vart valde:

Medlemmar	Varamedlemmar i rekkefølge
Ove Sandvik (leiar)	Ole Totland
Kjell Roar Nordvik (nestleiar)	Monica Tjønna
Jorunn Mo Nilsen	Magnus Erdal

Ein av dei valde medlemmene, Jorunn Mo Nilsen, har etter kommunestyremøtet 05.12.2019 meldt frå til kommunen om at ho ikkje vil ta på seg vervet som fast medlem i nemnda. Ho var varamedlem i nemnda i førre valperiode. Ho vart ikkje førespurt av arbeidsutvalet før kommunestyremøtet 05.12.2019 om ho var villig til å stilla til val som fast medlem i nemnda i valperioden 2019-2023. Ein annan person var opprinneleg foreslått som fast medlem i nemnda, men trekte kandidaturet sitt same dagen som kommunestyremøtet 05.12.2019.

Dette var årsaka til at Jorunn Mo Nilsen ikkje vart førespurt før kommunestyremøtet om samtykke til å stå som kandidat til plass som fast medlem i nemnda.

Kommunen si sakkunnige nemnd for eigedomsskatt er utnemnd med heimel i § 8 A-3 (4) i eigedomsskattelova (eskl).

I punkt 1.1. i Samnanger kommune sine eigedomsskattevedtekter går det fram at nemnda skal vera sett saman av tre medlemmer (leiar, nestleiar og medlem). Reglar om kven som kan veljast står i punkt 1.3 i eigedomsskattevedtektene:

- *Dei som er pliktige til å ta imot val til kommunestyret, er valbare og pliktige til å ta imot val til takstnemndene. Dette gjeld ikkje faste medlemmer av formannskapet, jf. eksl. § 21.*

Reglar om valbarheit og plikt til å ta imot val til folkevalde organ står i § 7-2 i kommunelova:

En person er valgbar og plikter å ta imot valg hvis følgende vilkår er oppfylt:

- a) Han eller hun har stemmerett ved kommunestyre- og fylkestingsvalg.
- b) Han eller hun er innført i folkeregisteret som bosatt i kommunen eller i en av kommunene i fylket på tidspunktet for det aktuelle valget.
- c) Han eller hun har skriftlig samtykket til å stille til valg.

Val av nytt medlem til sakkunnig nemnd for eigedomsskatt var på nytt oppe til behandling i kommunestyret 11.06.2020.

Saka (031/20) var ei samsak der kommunestyret gjorde suppleringsval av ulike verv til ymse nemnder, råd og utval. Arbeidsgruppa hadde til dette møtet ikkje lukkast i å finna ein kandidat som var villig til å ta på seg vervet som medlem i sakkunnig nemnd, så valet måtte utsetjast.

På bakgrunn av kommunelova sine reglar om kjønnsbalanse i folkevalde organ, må den nye medlemmen vera ei kvinne.

Det vert ikkje stilt krav til ein spesiell fagkompetanse for medlemmer av den sakkunnige nemnda.

Som nemnt ovanfor i saksframlegget, kan medlemmer i formannskapet ikkje vera medlem i den sakkunnige nemnda. Administrasjonen rår til at heller ikkje varamedlemmer i formannskapet vert valde som faste medlemmer i nemnda, sjølv om § 21 i eskl. neppe inneber eit forbod mot dette.

Arbeidsutvalet har vore i kontakt med fleire kandidatar og spurt om dei er villig til å stilla til val som medlem i sakkunnig nemnd for eigedomsskatt i Samnanger fram til 2023. Fleire har svara nei til dette. Ein person har bedt om litt betenkningstid på å komme med tilbakemelding.

Det betyr at arbeidsutvalet ikkje har fått eit endeleg svar når møteinnkallinga vert sendt ut ei veke før møtet.

Forslag til kandidat vert sett fram i kommunestyremøtet.



SAKSFRAMLEGG

Sakshandsamar: Jan Erik Boge	Arkivkode: FE-033, TI-&16
Arkivsaksnr: 20/260	Løpenr: 20/9121
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	071/2020

Fråtreiding frå kommunale verv for Oskar Konrad Kienitz - samt opprykk og nyval som følgje av fråtreidinga

Rådmannen sitt framlegg til vedtak:

Som følgje av at han har meldt flytting til annan kommune, trer Oskar Konrad Kienitz med verknad frå 29.10.2020 ut av verva sine som varamedlem i kommunestyret og naturutvalet i Samnanger kommune. Han har rett og plikt til å tre inn igjen i desse verva dersom han flyttar tilbake til Samnanger innan to år etter at han melde flytting til annan kommune.

Som følgje av at Oskar Konrad Kienitz trer ut av vervet som 2. varamedlem for Bygdalista i kommunestyret, rykkjer Bygdalista sine andre varamedlemmer (frå og med noverande 3. varamedlem) ein plass oppover på varamedlemslista.

Som følgje av at Oskar Konrad Kienitz trer ut av vervet som 4. varamedlem i naturutvalet for grupperinga Bygdalista, Framstegspartiet og Kristeleg Folkeparti, må det veljast ein ny 4. varamedlem for denne grupperinga.

Vedtaket er gjort med heimel i reglane i kommunelova og vallova.

Dokument som ikkje er vedlagt:

- Kommunelova (<https://lovdata.no/dokument/NL/lov/2018-06-22-83>)
- Vallova (<https://lovdata.no/dokument/NL/lov/2002-06-28-57>)

Kva saka gjeld:

Oskar Konrad Kienitz (Bygdalista) er for valperioden 2019-2023 vald til følgjande verv som folkevald i Samnanger kommune:

- 2. varamedlem for Bygdalista i kommunestyret
- 4. varamedlem for grupperinga Bygdalista, Framstegspartiet og Kristeleg Folkeparti i naturutvalet

Han har no meldt flytting til annan kommune (Bergen). Som følge av dette oppfyller han ikkje lenger vilkåra for å ha verv som folkevald i kommunestyret eller naturutvalet.

Lovgrunnlag:

Det går fram av kommunelova kva som vert rekna som folkevalde kommunale organ, og kva vilkår som må vera oppfylte for å vera valbar til slike organ.

Det går fram av kommunelova § 5-1 første avsnitt bokstav a og bokstav d at både kommunestyret og naturutvalet er kommunale folkevalde organ.

Reglar om kven som er valbar til kommunestyret, står i vallova § 3-3 (2):

«Valgbar til kommunestyret og pliktig til å ta imot valg er alle som har stemmerett ved valget og som står innført i folkeregisteret som bosatt i kommunen på valgdagen, og som ikke er utelukket eller fritatt.»

Reglar om kven som er valbar til kommunale utval står i kommunelova § 7-2 tredje avsnitt:

«En person er valgbar og plikter å ta imot valg hvis følgende vilkår er oppfylt:

- a. Han eller hun har stemmerett ved kommunestyre- og fylkestingsvalg.*
- b. Han eller hun er innført i folkeregisteret som bosatt i kommunen eller i en av kommunene i fylket på tidspunktet for det aktuelle valget.*
- c. Han eller hun har skriftlig samtykket til å stille til valg.»*

Reglar om fråtreiding («uttreden») og fritak frå kommunale folkevalde organ, står i kommunelova § 7-9. Der står det mellom anna følgjande:

«En folkevalgt som ikke lenger er valgbar til et folkevalgt organ, trer endelig ut av organet. En folkevalgt som er registrert som utflyttet fra kommunen eller fylkeskommunen, og derfor ikke lenger er valgbar, kan likevel tre inn igjen i vervet hvis han eller hun flytter tilbake igjen innen to år.»

Reglar om opprykk, nyval og supplering står i kommunelova § 7-10. I tredje avsnitt i denne paragrafen står det følgjande:

«Hvis medlemmer av kommunestyret eller fylkestinget trer endelig ut, og de er valgt ved forholdsvalg, skal varamedlemmer fra samme liste tre inn i deres sted i den nummerordenen varamedlemmene er valgt.»

I kommunelova § 7-10 fjerde avsnitt står det følgjande:

«Hvis et medlem eller varamedlem av et annet folkevalgt organ enn kommunestyre, fylkesting, kommunestyrekomité eller fylkestingskomité trer endelig ut, skal det velges et nytt medlem eller varamedlem. Det nye medlemmet skal velges fra den samme gruppen som det uttredende medlemmet tilhørte. Hvis dette vil føre til at ett kjønn vil bli representert med mindre enn 40 prosent av medlemmene i organet, skal det, hvis det er mulig, velges et nytt medlem fra det underrepresenterte kjønn.»

Vurderingar og konsekvensar:

Hovudregelen i kommunelova er at når ein folkevald flyttar frå kommunen, så trer han/ho varig ut av verv som folkevald: I boka «Kommuneloven 2018 med kommentarer» (Kommuneforlaget, 2019) står det på side 144 mellom anna følgjande om dette:

«Ved registreringspliktig flytting fra kommunen/fylkeskommunen er også hovedregelen at en person trer endelig ut av de vervene som omfattes av § 7-2 første avsnitt. Dersom vedkommende blir registrert tilbakeflyttet i løpet av en toårsperiode etter registrert utflytting, følger det imidlertid av bestemmelsen at han/hun trer inn i vervet igjen.»

Oskar Konrad Kienitz vil vera omfatta av denne regelen. Det vil seie at han som følge av flyttinga til Bergen, må tre varig ut av verva sine som varamedlem i kommunestyret og naturutvalet. Dersom han melder flytting tilbake til Samnanger i løpet av to år etter utflyttinga, vil han ha rett og plikt til å tre inn igjen i verva.

Det går ikkje klart fram av kommunelova kva reglar som gjeld for opprykk/nyval/suppleringsval når ein varamedlem til kommunestyret trer varig ut av dette vervet. Kommuneadministrasjonen antar at dei same reglane vil gjelda når ein varamedlem til kommunestyret trer varig ut som når ein medlem trer varig ut, jf. kommunelova § 7-10 tredje avsnitt. Dette betyr at Bygdalista sine varamedlemmer i kommunestyret (frå og med noverande varamedlem nummer 3) rykkjer opp ein plass på varamedlemslista. (Det kan her for ordens skuld nemnast at kommunestyreval i Samnanger vert gjennomført som forholdsval, ikkje som fleirtalsval, jf. ordlyden i kommunelova § 7-10 tredje avsnitt.)

Når det gjeld naturutvalet, vil det vera reglane i kommunelova § 7-10 fjerde avsnitt som regulerer kva som skal gjerast. Etter desse reglane må det veljast ein ny varamedlem i staden for Oskar Konrad Kienitz i naturutvalet, og den nye varamedlemmen må veljast frå den same gruppa som Oskar Konrad Kienitz er vald inn for (grupperinga Bygdalista, Framstegspartiet og Kristeleg Folkeparti). I boka «*Kommuneloven 2018 med kommentarer*» (Kommuneforlaget, 2019), er det på side 152 presisert at regelen om val frå den same grupperinga gjeld både ved val av nye medlemmer og varamedlemmer. I den gamle kommunelova frå 1992 var reglane slik at dei øvrige varamedlemmene rykte opp ein plass på lista dersom ein varamedlem tredde varig ut av vervet sitt. I den nye kommunelova frå 2018 er dette endra. Det skal no veljast ein ny varamedlem, som skal tre inn på den varamedlemsplassen som Oskar Konrad Kienitz har i dag (4. varamedlem i naturutvalet for grupperinga Bygdalista, Framstegspartiet og Kristeleg Folkeparti). Grupperinga sjølv må foreslå kandidat til denne varamedlemsplassen. Dette må vera ein kandidat som oppfyller vilkåra i kommunelova § 7-2 tredje avsnitt:

- a. *Han eller hun har stemmerett ved kommunestyre- og fylkestingsvalg.*
- b. *Han eller hun er innført i folkeregisteret som bosatt i kommunen eller i en av kommunene i fylket på tidspunktet for det aktuelle valget.*
- c. *Han eller hun har skriftlig samtykket til å stille til valg.»*

Framlegg til kandidat til varamedlemsplassen i naturutvalet kan leggest fram i kommunestyret 28.10.2020. Sjølve valet kan også gjennomførast i kommunestyret 28.10.2020, og kan då vera ei tilføyning til resten av vedtaket i denne saka.



SAKSFRAMLEGG

Sakshandsamar: Marianne Soleng	Arkivkode: FE-033, TI-&17
Arkivsaksnr: 20/222	Løpenr: 20/9155
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	072/2020

Varsel om arbeidstilhøva i Samnanger kommune

Kontrollutvalet sitt framlegg til vedtak:

Kommunestyret ber rådmannen om å:

1. Setta i verk tiltak for å sikre eit forsvarleg arbeidsmiljø ved barneskulen, med brei involvering av dei tilsette ved skulen.
2. Gjennomgå og sørge for tilfredsstillande rutinar for roller, ansvar, rutinar og krav til dokumentasjon knytt til oppfølging av vanskelege personalsaker
3. Gjennomgå og sørge for god opplæring om samarbeidet mellom tillitsvalt, verneombod og leiling, og kva dilemma og utfordringar som kan oppstå og korleis dette kan løysast
4. Etablere rutinar for korleis tilsette skal kommunisere mellom seg både på e-post og munnleg, og gjere desse kjent. Legg også vekt på non-verbal kommunikasjon
5. Sikre at det er gode rutinar for å dokumentere oppfølging av leiarar og medarbeidarar i alle einingar.
6. Gjennomgå varslingsrutinane for Samnanger kommune, og sjå til at kontrollutvalet ikkje vert ein del av desse rutinane i framtida.
7. Orienter kontrollutvalet om status for oppfølginga og handlingsplan for vidare arbeid innan utgangen av 2020.

Dokument som er vedlagt:

Partsbrev - Varsel om arbeidstilhøva i Samnanger kommune
Partsbrev - Varsel om arbeidstilhøva i Samnanger kommune - rapport, vedlegg 1
Partsbrev - Varsel om arbeidstilhøva i Samnanger kommune - rapport, vedlegg 2
Partsbrev - Varsel om arbeidstilhøva i Samnanger kommune - rapport

Kva saka gjeld:

Sekretariatet for kontrollutvalet brukar eit anna saksbehandlersystem enn Samnanger kommune. Sakspapira frå kontrollutvalet ligg difor vedlagt.



SAKSFRAMLEGG

Sakshandsamar: Marianne Soleng	Arkivkode: FE-033, TI-&17
Arkivsaksnr: 20/222	Løpenr: 20/9153
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	073/2020

Tilleggsøyving - Kontrollutvalet

Kontrollutvalet sitt framlegg til vedtak:

1. Kontrollutvalet rår kommunestyret til å vedta dekking av ekstraarbeid for Deloitte for arbeid med varslingsaka på kr. 184.000.
2. Kontrollutvalet rår kommunestyret til å vedta ekstramidler til kjøp av sekretariats tjenester på kr. 75.000 for arbeid i 2020.

Dokument som er vedlagt:

Partsbrev - Eventuelt - sak om tilleggsøyving kontrollutvalet
Partsbrev - Eventuelt - sak om tilleggsøyving til kontrollutvalet

Kva saka gjeld:

Sekretariatet for kontrollutvalet brukar eit anna saksbehandlarsystem enn Samnanger kommune.
Sakspapira frå kontrollutvalet ligg difor vedlagt.



SAKSFRAMLEGG

Sakshandsamar: Marianne Soleng	Arkivkode: FE-033, TI-&17
Arkivsaksnr: 20/222	Løpenr: 20/9124
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	074/2020

Plan for forvaltningsrevisjon - Samnanger kommune

Kontrollutvalet sitt framlegg til vedtak:

1. Forslag til plan for forvaltningsrevisjon for perioden 2020 - 2024 for Samnanger kommune vert vedteken med dei endringar som kom fram i møtet.
2. Planen gjeld for resten av valperioden og fram til ny plan etter intensjonen vert vedteken i 2024.
3. Kommunestyret delegerer mynde til kontrollutvalet til å gjere endringar og omprioriteringar i planen, samt til å kunna definere og avgrensa konkrete prosjekt innfor dei utvalde områda i planen.
4. Planen skal evaluerast minst ein gong i valperioden. Kommunestyret delegerer mynde til kontrollutvalet til å gjere denne evalueringa.
5. Kontrollutvalet skal rapportere resultatet av forvaltningsrevisjonar til kommunestyret etter kvart.

Dokument som er vedlagt:

Partsbrev - Plan for forvaltningsrevisjon Samnanger kommune

Partsbrev sak PS 21-20 - Plan for forvaltningsrevisjon Samnanger kommune 2020 - 2024

Partsbrev sak PS 21-20, vedlegg 1 - Revidert plan for forvaltningsrevisjon Samnanger kommune 2020 - 2024

Partsbrev sak PS 21-20, vedlegg 2 - Risiko- og vesentleganalyse Samnanger kommune 2020 - 2024

Kva saka gjeld:

Sekretariatet for kontrollutvalet brukar eit anna saksbehandlarsystem enn Samnanger kommune. Sakspapira frå kontrollutvalet ligg difor vedlagt.



SAKSFRAMLEGG

Sakshandsamar: Marianne Soleng	Arkivkode: FE-033, TI-&17
Arkivsaksnr: 20/222	Løpenr: 20/9128
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	075/2020

Plan for eigarskapskontroll - Samnanger kommune

Kontrollutvalet sitt framlegg til vedtak:

1. Forslag til plan for eigarskapskontroll for perioden 2020 - 2024 for Samnanger kommune vert vedteken slik den ligg føre.
2. Planen gjeld for resten av valperioden og fram til ny plan etter intensjonen vert vedteken i 2024.
3. Kommunestyret delegerer mynde til kontrollutvalet til å foreta endringar og omprioriteringar i planen, samt til å kunna definera og avgrensa konkrete prosjekt innafor dei utvalde områda i planen.
4. Planen skal evaluerast minst ein gong i valperioden. Kommunestyret delegerer mynde til kontrollutvalet til å gjera denne evalueringa.
5. Kontrollutvalet skal rapportere resultatet av eigarskapskontrollar til kommunestyret.

Dokument som er vedlagt:

Partsbrev frå kontrollutvalet i Samnanger kommune - Plan for eigarskapskontroll
Partsbrev sak PS 22-20 - Plan for eigarskapskontroll Samnanger kommune 2020 - 2024
Partsbrev sak PS 22-20, vedlegg - Plan for eigarskapskontroll Samnanger kommune 2020 - 2024

Dokument som ikkje er vedlagt:

Risiko- og vesentlegvurdering for forvaltningsrevisjon og eigarskapskontroll (mai 2020)

Kva saka gjeld:

Sekretariatet for kontrollutvalet brukar eit anna saksbehandlarsystem enn Samnanger kommune.
Sakspapira frå kontrollutvalet ligg difor vedlagt.



SAKSFRAMLEGG

Sakshandsamar: Pål Strand	Arkivkode: FA-F47
Arkivsaksnr: 19/255	Løpenr: 20/8798
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	15.10.2020	043/2020
Kommunestyret	28.10.2020	076/2020

Førerspurnad om suspendering av foreldingsfrist for mogeleg krav om erstatning

15.10.2020 Formannskapet:

Handsaming i møtet:

Ordførar Knut Harald Frøland (BI) sette fram følgjande framlegg til vedtak:

"Samnanger kommune suspenderer ikkje foreldingsfristen."

Framlegget vart samrøystes vedteke.

FORM- 043/2020 Vedtak:

Samnanger kommune suspenderer ikkje foreldingsfristen.

Rådmannen sitt framlegg til vedtak:

Saka vert lagt fram utan tilråding frå rådmannen.

Dokument som er vedlagt:

Brev frå advokat Endre Rutledal - sladda versjon (jf. Offl. § 13 1. ledd, jf. fvl. § 13 1. ledd nr. 1)

Kva saka gjeld:

Saka gjeld suspensjon av foreldingsfristar for påstått krav om erstatning, knytt til kommunestyret sitt vedtak om oppreising i barnevernssak.

Ein av partane, ved advokat Endre Rutledal, har teke kontakt med kommunen og varsla at det pågår eit arbeid med å førebu eit erstatningssøksmål mot kommunen. Sidan saka er omfattande og tidkrevjande, ber advokat Rutledal om at kommunen vurderer å suspendere foreldingsfristane, slik det er anledning til gjere etter foreldelsesloven § 28. Alternativet er å sende fristavbrytande klage til forliksrådet.

Kommunestyret må ta stilling til oppmodinga om å suspendere foreldingsfristane.

Vurderingar og konsekvensar:

Rådmannen forstår det slik at advokat Rutledal ønskjer betre tid til å førebu saka og å invitere kommunen til dialog, som eit alternativ til å ta saka inn for retten, i første omgang. Advokat Rutledal ser ut til å leggje til grunn at kommunen har erkjent erstatningsansvar etter kommunestyret sitt vedtak om å gje oppreising.

Rådmannen kan ikkje sjå at kommunen ved sitt vedtak om å gje oppreising, har erkjent erstatningsansvar.

Rådmannen vil peike på at spørsmålet i denne omgang ikkje er om kommunen har erkjent erstatningsansvar, eller om kommunen er erstatningspliktig eller bør gi erstatning. Saka gjeld suspensjon av foreldingsfristane.

Ein føremon ved suspensjon vil vere at det kan vere mogleg å møtast utanrettsleg, og ha dialog om saka, utan tidspress.

Rådmannen legg vekt på at saka har pågått i lang tid og krevd store ressurser å handtere. Og utan å ta stilling til realiteten i saka, kan rådmannen kanskje antyde at det kan være vanskeleg å ha oversikt over implikasjonene ved å kome motparten i møte på dette punktet, slik saka står i dag.

Bakgrunnen for at foreldelsesloven inneheld reglar om forelding av fordringrr, er at saker på eit tidspunkt skal få si ende. Reglane om forelding er kompliserte og ivaretar ei avveging av motstridande interesser som kan gjere seg gjeldande i slike saker. Det er vanskeleg å sjå at det her gjer seg gjeldande omsyn som gjer det tilrådeleg å avvike frå lova si normalordning og hovudregel.



SAKSFRAMLEGG

Sakshandsamar: Ingebjørg Vamråk	Arkivkode:
Arkivsaksnr: 20/833	Løpenr: 20/8793
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	15.10.2020	041/2020
Kommunestyret	28.10.2020	077/2020

Sal av konsesjonskraft - delegering av mynde til rådmannen

15.10.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 041/2020 Vedtak:

Rådmannen får delegert mynde til å inngå avtalar om sikring av pris for sal av konsesjonskraft, innanfor ein middels/låg risikoprofil.

Rådmannen sitt framlegg til vedtak:

Rådmannen får delegert mynde til å inngå avtalar om sikring av pris for sal av konsesjonskraft, innanfor ein middels/låg risikoprofil.

Kort om saka

Det har vore tradisjon for at administrasjonen gjer avtalar om inngåing av kontrakter for sal av konsesjonskraft, slik at ein oppnår ein garantert minstepris, i alle høve for deler av krafta. Praksisen er basert på ei fullmakt som personal- og økonomiutvalet (formannskapet) gav rådmannen i 2006. Det går ikkje fram av kommunen sitt delegeringsreglement at rådmannen har delegert mynde til å inngå slike kontrakter. Dersom noverande praksis skal halda fram, vil det vera ønskeleg å formalisera rådmannen sitt mynde i delegeringsreglementet.

Bakgrunn

Samnanger kommune har 22 321,1 MWh/år som kommunen kan selje. Problemstillinga er at dersom ein unnlet å sikre pris på framtidig levering av kraft, kan ein risikere å sitje igjen med svært låge inntekter på salet av konsesjonskrafta.

Kommunen har dermed to hovudalternativ:

1. Å selje til såkalla «spotpris», som betyr den til einkvar tid gjeldande marknadsprisen, og
2. Å heilt eller delvis sikre prisen, på kort eller lang sikt. Under dette alternativet kan ein velje fast pris, eller ein garantert minstepris.

Rådmannen sitt syn er at Samnanger kommune bør velje alternativ 2, og at spørsmålet er korleis prissikringa bør innrettast, både kva gjeld val av risikoprofil og tidshorisont på kontraktene. Til dette kjem spørsmålet om det skal gjevast delegert mynde til rådmannen, til å inngå kontrakter innanfor ei gitt ramme.

Å «sikre prisen» inneber heilt konkret å gjere avtalar om pris på framtidig sal. Denne type kontraktar blir omsette i det ein kan kalle ein likvid marknad, meir presist at kontraktene dagleg blir handla i stort omfang. Det er difor lett å inngå kontraktene. Samnanger kommune kunne dermed ha handla i kontraktene sjølve, men det er krevjande å følgje med på kraftmarknaden, i ein elles hektisk kvardag. Kommunen har difor avtale med ein aktør som kan handle på vegne av kommunen, og gje råd. Denne aktøren får sine inntekter gjennom ein pris per KWh, noko som betyr at inntekta ikkje er knytt til straumprisen.

Denne aktøren kan gje Samnanger kommune ein garantert minstepris på krafta, eller ein fast pris. Fast pris innbeber at ein inngår terminkontrakt på framtidig pris, og at det er denne prisen som gjeld. Då veit kommunen ved kontraktsinngåing, nøyaktig kva inntekt kommunen vil ha, på krafta so mer seld.

Kva gjeld alternativet «garantert minstepris», er det viktig å forstå rasjonalet til denne aktøren som då blir kommunen sin kontraktsmotpart på sal av krafta. Kommunen kan velje ein så høg garantert minstepris som denne aktøren er villig til å tilby. Lat oss til dømes tenkje oss ein garantert pris på 27 øre per kilowatttime (KWh) for all krafta kommunen vil selje. Frå kontraktsmotparten si side inneber dette at han er utsett for ein stor risiko, ved å ha garantert Samnanger kommune denne høge prisen. For å sikre seg mot tap, vil motparten måtte gå ut i marknaden og inngå avtalar på maksimumspris, på til dømes 80 % av konsesjonskrafta vår. Dette inneber at det kommunen kan få ta del i ein eventuell prisoppgang på 20 % av krafta. Under dette alternativet vil kommunen dermed få den avtalte minsteprisen på 27 øre per KWh for all krafta, pluss ein eventuell prisauke på 20 % av krafta.

Lat oss så tenkje oss at kommunen i staden inngår avtale om pris på til dømes minimum 22 øre per KWh. For motparten inneber dette langt lågare risiko, noko som i sin tur tilseier at han treng å sikre sin pris på til dømes 50 % av konsesjonskrafta. I så fall vil kommunen, for dei resterande 50 % av konsesjonskrafta, kunne ta del i ein eventuell prisoppgang, samtidig som kommunen er sikra minimum 20 øre per KWh for all krafta. Om det ikkje blir nokon prisoppgang, har kommunen tapt differansen mellom 22 og 27 øre per KWh.

Vurderingar og konsekvensar

Sett frå rådmannen sin ståstad er det viktig for ein kommune ikkje å bevege seg over i ein risikoprofil som kan oppfattast som om kommunen driv spekulasjon med innbyggjarane sine midlar. Det er difor rådmannen sitt syn at kommunen bør sikre prisen på eit middels/høgt prisnivå, og heller akseptere at kommunen dermed ikkje får store ekstraintekter som følgje av ein eventuell prisoppgang. Dette har òg samband med eit behov for å kunne planlegge den kommunale drifta. Om ein ser hen til døma ovanfor, tilseier dette å sikre prisen ein stad kring 24-26 øre per KWh, dersom ein vel garantert minstepris. Fast pris vil som hovudregel ha lågare eller same risikoprofil som dette.

Når dette er sagt, er det viktig å vere merksam på at det ikkje er naudsynt å sikre prisen på ein årshorisont. Kva gjeld prising av framtidskontrakter så er det naturleg nok slik at forventninga er det som dannar prisen. Men det er likevel sannsynleg at dei historisk låge prisane ein ser no, påverkar prisen kommunen kan få på lang sikt (6-12 månader). Meir konkret er det sannsynleg at å binde ein pris på eit års tidshorisont no, når prisen er historisk låg, gjerne kan føre til at kommunen får ein dårlegare pris enn om kommunen valde kortare kontrakter. Etter rådmannen sitt syn bør difor ei eventuell delegering av mynde til rådmannen, heller rette seg mot tidshorisont på kontraktene, enn mot å kunne auke risikoprofilen på kommunen sine kontrakter.

Så langt har utgreiinga handla om dagens situasjon. Men om ein skal lage eit regelverk, er det viktig at dette òg høver i andre tider. Lat oss difor tenkje oss ein situasjon der kraftprisane er høge. I slike

tilfelle vil gevinsten ved å velje ein høg risikoprofil venteleg vere lågare, i tydinga at om ein vel å sikre prisen på eit relativt lågt nivå, og dermed ta del i prisoppgang, så vil sjansen for å tene på prisoppgang vere relativt liten, på grunn av motparten sitt behov for å sikre seg mot nedgang. Dette tilseier, etter rådmannen sitt syn, at kommunen bør velje låg/middels risikoprofil òg under forhold der prisen på kraft er høg. Men tilsvarande argumentasjonen ovanfor, om tidshorisont på kontraktene, så kan det bli aktuelt å inngå avtalar på kortare tidshorisont enn eit år.



SAKSFRAMLEGG

Sakshandsamar: Hilde-Lill Våge	Arkivkode: FE-026, FA-C20
Arkivsaksnr: 19/303	Løpenr: 20/8456
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	15.10.2020	040/2020
Kommunestyret	28.10.2020	078/2020

Ny samarbeidsavtale Bergen og omland friluftsråd (BOF)

15.10.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 040/2020 Vedtak:

Samnanger kommune sluttar seg til den nye samarbeidsavtalen og at den trer i kraft 1. januar 2021. Videre stadfestar vi at kommunen sin representant med tilhøyrande vararepresentant til årsmøtet skal vera kommunen sin representant og vararepresentant i representantskapet til Bergen og Omland Friluftsråd Kommunalt Oppgavefellesskap (BOF).

Utpeika årsmøterepresentant for valperioden med vararepresentant fortset sine verv som kommunane sine representantar til representantskapet.

Rådmannen sitt framlegg til vedtak:

Samnanger kommune sluttar seg til den nye samarbeidsavtalen og at den trer i kraft 1. januar 2021. Videre stadfestar vi at kommunen sin representant med tilhøyrande vararepresentant til årsmøtet skal vera kommunen sin representant og vararepresentant i representantskapet til Bergen og Omland Friluftsråd Kommunalt Oppgavefellesskap (BOF).

Utpekt årsmøterepresentant for valperioden med vararepresentant fortset sine verv som kommunene sine representantar til representantskapet.

Dokument som er vedlagt:

Forslag til ny samarbeidsavtale mellom deltagerkommunen og Bergen og Omland Friluftsråd

Dokument som ikkje er vedlagt:

Kva saka gjeld: Dagens organisering av BOF er fastlagt i selskapet sine vedtekter, men den nye kommunelova krev visse endringar – blant anna at vedtektene skal heite «samarbeidsavtale».

Fire forhold er teken høgde for i utarbeidinga av ny samarbeidsavtale.

1. LOV-2018-06-22-83 (kommunelova) krev visse endringar i organiseringa av interkommunale selskap. Råd som er henta inn seier at BOF bør bli organisert som “Kommunalt Oppgåvefelleskap” etter kommunelovas § 19. Organisasjonsforma nyttast når to eller fleire kommunar eller fylkeskommunar skal løyse felles oppgåver – i dette tilfellet oppgåver som er omtalt i samarbeidsavtalen sitt § 2.

2. Samanslåingar blant deltakarkommunane.

3. Ny oppgåve er omtalt i ny bokstav c i samarbeidsavtalen sitt §2.

4. Språkfeil og skrivefeil er retta opp.

Vurderingar og konsekvensar: Vi viser til vedlagt forslag til ny samarbeidsavtale. Den byggjer på gjeldande vedtekter, sist vedteke på årsmøte 23.mars 2019. Der administrasjonen har rådført seg med Friluftsrådenes Landsforbund og selskapets revisor, samt advokat hos Samfunnsbedriftene (tidlegare KS Bedrift) har kvalitetssikra forslaget.



SAKSFRAMLEGG

Sakshandsamar: Hilde-Lill Våge	Arkivkode: FE-223
Arkivsaksnr: 18/951	Løpenr: 20/8733
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	15.10.2020	044/2020
Kommunestyret	28.10.2020	079/2020

Tilskot ekstraordinært kommunalt næringsfond Forvaltning av 10 søknader

15.10.2020 Formannskapet:

Handsaming i møtet:

Rådmann Ingebjørg Vamråk orienterte innleiingsvis om at ho meinte at saka ikkje var godt nok utgreidd til å leggjast fram for politisk handsaming, men at ho av omsyn til tidsfristar valde å la formannskapet avgjera spørsmålet.

Ordførar Knut Harald Frøland (BI) bad om å få gildskapen sin vurdert. Bakgrunnen for dette er at den eine søknaden kjem frå Frivilligsentralen, der kona til ordføraren arbeider. Ordføraren orienterte om at han sjølv meiner han ikkje er ugild i saka. Han gjekk frå medan formannskapet vurderte gildskapen hans. Varaordførar Øyvind Røen (Sp) gjekk inn som ordførar under denne handsaminga. Knut Harald Frøland vart samrøystes funnen gild i saka, og deltok derfor i handsaminga av saka.

Knut Harald Frøland sette fram følgjande framlegg:

- "Søknad 0011 Bruktbutikk på Bjørkheim - tilskot NOK 149 000
- Søknad 0010 Oppretting av REKOringen i Samnanger - tilskot NOK 4 200
- Søknad 0005 Eco Farm - Grown your own - tilskot NOK 37 500
- Søknad 0012 Etablering av nettavis - Samningen - tilskot NOK 187 500
- Søknad 0007 Produktutvikling - Gjengevull Mangesysleri: Marknadshage og kjøtforedling - tilskot NOK 140 000

Følgjande søknader må nyanserast før ytterlegare behandling, med hjelp frå administrasjonen i kommunen:

- Søknad 0015 Oppstart lokalmatbutikk og turistkontor på Bjørkheim
- Søknad 0006 Etablering av sentrumsforeining på Bjørkheim
- Søknad 0004 Vidareutvikling av Apex Auto

Følgjande søknader innfrir ikkje kriteriene for tildeling av tilskot:

- Søknad 0013 Brannsikring av overnattingsstad Bjørkheim Kro
- Søknad 0014 Muligheter for fri-kjøling og gjenbruk av overskuddsvarme til annen industri"

Einingsleiar samfunnsutvikling, Hilde-Lill Våge, og leiar i Samnanger Næringsforum, Knut Martin Bjørnås, svarte på spørsmål frå formannskapet under handsaminga.

Røysting om handsaming:

Det vart samrøystes vedteke at denne saka skal gå til kommunestyret for endeleg handsaming.

Røysting om tilskot:

I røystinga om tilskot vart det først røysta punktvis over framlegget til Knut Harald Frøland:

- Det vart med 8 mot 1 røyst vedteke å gje tilskot på NOK 149 000 til søknad 0011 Bruktbutikk på Bjørkheim. Odd Arne Haga (Frp) røysta imot.
- Det vart med 6 mot 3 røyster vedteke å ikkje gje tilskot til søknad 0015 Oppstart lokalmatbutikk og turistkontor på Bjørkheim. Jon Magne Bøgevik (Ap), Gunn Østvik Petersen (Ap) og Odd Arne Haga (Frp) røysta for å gje tilskot.
- Det vart samrøystes vedteke å gje tilskot på NOK 4 200 til søknad 0010 Oppretting av REKOringen i Samnanger.
- Det vart samrøystes vedteke å gje tilskot på NOK 140 000 til søknad 0007 Produktutvikling - Gjengevoll Mangesysleri: Marknadshage og kjøtforedling.
- Det vart med 8 mot 1 røyst vedteke å ikkje gje tilskot på NOK 82 500 til søknad 0006 Etablering av sentrumsforeining på Bjørkheim. Jon Magne Bøgevik (Ap) røysta for å gje tilskot.
- Det vart samrøystes vedteke å gje tilskot på NOK 37 500 til søknad Eco Farm - Grown your own.
- Det vart med 8 mot 1 røyst vedteke å ikkje gje tilskot til søknad 0004 Vidareutvikling av Apex Auto. Jon Magne Bøgevik (Ap) røysta for å gje tilskot.
- Det vart samrøystes vedteke å gje tilskot på NOK 187 500 til søknad 0012 Etablering av nettavis - Samningen.
- Det vart samrøystes vedteke å ikkje gje tilskot til søknad 0013 Brannsikring av overnattingsstad Bjørkheim Kro.
- Det vart samrøystes vedteke å ikkje gje tilskot til søknad 0014 Muligheter for fri-kjøling og gjenbruk av overskuddsvarme til annen industri.
- Det vart samrøystes vedteke at søknad 0015 Oppstart lokalmatbutikk og turistkontor på Bjørkheim må nyanserast før ytterlegare handsaming.
- Det vart med 7 mot 2 røyster vedteke at søknad 0006 Etablering av sentrumsforeining på Bjørkheim må nyanserast før ytterlegare handsaming. Øyvind Røen (Sp) og Odd Arne Haga (Frp) røysta imot.
- Det vart samrøystes vedteke at søknad 0004 Vidareutvikling av Apex Auto må nyanserast meir før ytterlegare handsaming.

Til slutt vart det alternative framlegget til vedtak frå den punktwise røystinga sett opp mot rådmannen sitt framlegg til vedtak. Det alternative framlegget til vedtak vart samrøystes vedteke.

FORM- 044/2020 Vedtak:

Samnanger kommune fordeler i alt NOK 518 200 i tilskot frå ekstraordinært næringsfond – Covid 19 til følgjande tiltak:

- Søknad 0011 Bruktbutikk på Bjørkheim - tilskot NOK 149 000
- Søknad 0010 Oppretting av REKOringen i Samnanger - tilskot NOK 4 200
- Søknad 0005 Eco Farm - Grown your own - tilskot NOK 37 500
- Søknad 0012 Etablering av nettavis - Samningen - tilskot NOK 187 500
- Søknad 0007 Produktutvikling - Gjengevoll Mangesysleri: Marknadshage og kjøtforedling - tilskot NOK 140 000

Følgjande søknader må nyanserast før ytterlegare behandling, med hjelp frå administrasjonen i kommunen:

- Søknad 0015 Oppstart lokalmatbutikk og turistkontor på Bjørkheim

- Søknad 0006 Etablering av sentrumsforeining på Bjørkheim
- Søknad 0004 Vidareutvikling av Apex Auto

Følgjande søknader innfrir ikkje kriteriene for tildeling av tilskot:

- Søknad 0013 Brannsikring av overnattingsstad Bjørkheim Kro
- Søknad 0014 Muligheter for fri-kjøling og gjenbruk av overskuddsvarme til annen industri"

Det står då att NOK 446 268 på fondet til seinare fordeling i 2020 og 2021.

Rådmannen sitt framlegg til vedtak:

Samnanger kommune fordeler i alt NOK 664.200 i tilskot frå ekstraordinært næringsfond – Covid 19 til følgjande tiltak:

- Søknad 0011 Bruktbutikk på Bjørkheim - tilskot NOK 112.000.
- Søknad 0015 Oppstart lokalmatbutikk og turistkontor på Bjørkheim - tilskot NOK 118.000.
- Søknad 0010 Oppretting av REKOringen i Samnanger – tilskot NOK 4.200.
- Søknad 0007 Produktutvikling – Gjengevull Mangesysleri: Marknadshage og kjøttforedling - tilskot NOK 140.000.
- Søknad 0006 Etableringa av sentrumsforeining på Bjørkheim - tilskot NOK 82.500.
- Søknad 0005 Eco far – Grown your own - tilskot NOK 37.500.
- Søknad 0004 Vidareutvikling av Apex Auto - tilskot NOK 170.000.

Følgjande søknader innfrir ikkje kriteria for tildeling og tilskot:

- Søknad 0013 Brannsikring av overnattingsstad Bjørkheim Kro.
- Søknad 0012 Etablering av nettavis – Samningen.
- Søknad 0014 Muligheter for fri-kjøling og gjenbruk av overskuddsvarme til annen industri.

Det står då att NOK 300.268 på fondet til seinare fordeling i 2020 og 2021.

Dokument som er vedlagt:

Midlertidig forskrift om tilskudd til kommunale næringsfond som følge av covid-19-utbruddet.pdf (L)(313774)
Oppdragsbrev (L)(311894)
Søknader ekstraordinært næringsfond

Dokument som ikkje er vedlagt:

Innkomne søknader registrert i regionalforvaltning.no.

Kva saka gjeld: Tildeling av tilskot på **NOK 964.468,-** frå ekstraordinært kommunalt næringsfond – Covid 19 midlar.

Bakgrunn for saka: Det kan søkast om midlar til bedriftsutvikling og investeringar. For tilskot til bedriftsutvikling kan samla støtte frå næringsfondet som hovudregel ikkje overstige 50% av kapitalbehovet. I prosjekt som svarar til særleg mange tiltak, kan det gjevast inntil 75% støtte. Dette inkluderer bruk av tilsvarende fond i andre kommunar for regionale prosjekt. Det er ikkje beløpsgrense for bedriftsutviklingstilskot.

I vurderinga av søknadane vert det særskilt lagt vekt på:

- I kor stor grad tiltaket fremjar auka aktivitet, sysselsetjing og verdiskaping basert på

lokale utfordringar, behov og potensial

- I kor stor grad ein reknar med at tiltaket vil kunne motverke dei negative verknadane av covid-19-utbrotet
- kor raskt tiltaket kan setjast i gang.

Det er kome inn 10 søknader gjennom regionalforvaltning.no. Totalt er det søkt om 2.032.012 kroner i tilskot.

Søknadane som er mottekne og beløpa som er søkt om, gjeld for 2020 og 2021 til saman.

Tildelt tilskot vert derfor utbetalt delvis i 2020 og delvis i 2021. Leiar for Samfunnsutvikling og leiar i Næringsforumet har vurdert søknadane først kvar for seg, og deretter saman.

Vurderingar og konsekvensar:

Nedanfor følgjer tilråding og kva kriteria som er innfridd. **Søknader:**

- **Bruktbutikk på Bjørkheim.**

Frivillige som vil driva bruktbutikk og skape aktivitet i «annekset» på Bjørkheim. Overskot skal gå til gode formål i lokalmiljøet.

- Aukar aktivitet og på sikt kan gje sysselsetting/tilbod frivillige
- Positiv effekt for utvikling av tettstaden Bjørkheim og frivillighetsarbeidet i kommunen
- Etablerast raskt.

Ein føresetnad for utbetaling er at det vert oppretta eit eige selskap med org. nummer og oppretta eige kontonummer i banken.

Søknad 224.962 kroner – ca. 50% tilskot utgjer 112.000.

- **Oppstart lokalmatbutikk og turistkontor på Bjørkheim.**

Utsal for lokal-/kortreist mat og andre varer. Kontakt/kontor for marknadsføre/sal av reiseliv og aktivitetar i kommunen.

- Aukar aktivitet og sysselsetting
- Positiv effekt for utvikling av tettstaden/handlelivet på Bjørkheim og reiselivet i kommunen
- Etablerast raskt

Ein føresetnad for utbetaling er at det vert oppretta eit eige selskap med org. nummer og oppretta eige kontonummer i banken.

Søknad 237.100 kroner - 50% tilskot utgjer 118.000 kroner.

- **Brannsikring av overnattingsstad Bjørkheim Kro og motell.**

Modernisere brannvarslingsanlegg til dagens standard.

- Gjev ikkje direkte auka aktivitet og sysselsetting

Søknad 97.750 kroner - 0% tilskot.

Oppmodar om å søkje andre stønadsordningar. Kan søkje stønad om dekking for tap pga. Covid 19.

- **Etablering av nettavis – Samningen.**

Opprette nettavis med dagleg publisering, og oppretta betalingsmur.

- Gjev ikkje auka sysselsetting. Kan trygge arbeidsplassar i Samningen.

Søknad 375.000 kroner – 0 % tilskot

Samnanger kommune har gjeve tilskot frå KNF kroner 51.000 i 2019 til utvikling av E-avis-app for Samningen. Kan søkje stønad om dekking for tap pga. Covid 19.

- **Oppretting av REKOringen i Samnanger.**

Direkte sal for bønder og mathandverkarar i kommunen og omheng.

- Gjev auka aktivitet og direkte sal av lokalmat, samt auka sysselsettinga hos bønder.
- Positiv effekt for lokalprodusentar, og for Gjengevull Mangesysleri.
- Er i oppstartsfasen

Søknad 4.200 kroner – 100% tilskot utgjer 4.200 kroner.

- **Produktutvikling – Gjengevull Mangesysleri: Marknadshage og kjøtforedling.**

Planlegge og få lage marknadshage med produksjon av grønnsaker. Produktutvikle og foredla kjøtprodukt av utegris.

- Gjev auka aktivitet og sysselsetting
- Positiv effekt for busetnad, lokal matproduksjon, og utvikling av nye produkt. Største delen av investeringane er tenkt i 2020 og prosjektutviklinga i 2021.
- Er i oppstartsfasen

Søknad 210.000 kroner – 50% tilskot utgjer 140.000 kroner.

- **Eableringa av sentrumsforeining på Bjørkheim.**

Samle 12-15 næringsdrivande i ei sentrumsforeining, som skal generere utvikling, vekst og framtidstru på lokal varehandel og service på Bjørkheim.

- Gjev auka aktivitet for handelsdrivande på Bjørkheim, og gje auka sysselsetting.
 - Positiv effekt for utvikling av tettstaden/handlelivet på Bjørkheim.
- Næringsdrivande på Bjørkheim treng ein sentrumsforeining, noko som og kom fram på møte som nyleg vart halde. Dette er og i tråd med intensjonane til det ekstraordinære næringsfondet pl. 1245: «*Kategorien omfattar tiltak som mobiliserer bransjar/bedrifter/bedriftsmiljø til å etablere samarbeid og nettverk*»
- Er i oppstatsfasen

I prosjekt som svarar til særleg mange tiltak, kan det gjevast inntil 75% støtte.

Søknad 110.000 – 75% tilskot utgjer 82.500 kroner.

- **Eco far – Grown your own – Fremtidens bærekraftige produksjon av frukt og grønt.**

1. Kan gje auka sysselsetting på sikt
2. Kan gje effekt på næringslivet i kommunen om produksjonen vert i Samnanger.
3. Er i oppstatsfase - *Ferdigstille prototype til demonstrasjon*

Produktutvikle og ferdigstille ein prototype av eit kjøleskap for dyrking av microgrønt.

- Kan gje auka sysselsetting på sikt
- Kan gje effekt på næringslivet i kommunen om produksjonen vert i Samnanger.
- Er i oppstatsfase - *Ferdigstille prototype til demonstrasjon*
Søker og Innovasjon Norge om tilskot.
Søknad 75.000 kroner – 50% tilskot utgjer 37.500 kroner.

- **Vidareutvikling av Apex Auto.**

Bygge opp og utruste endå ein arbeidsstasjon.

- Gjev auka aktivitet og auka sysselsetting.
- Positiv effekt for utvikling av tenestetilbodet og moglegheita for å handle lokalt.
- Kan vidareutvikle tenestetilbodet raskt.

Søknad 340.000 – 50% i tilskot utgjer 170.000 kroner.

- **Muligheter for fri-kjøling og gjenbruk av overskuddsvarme til annen industri.**

Oppnå miljøeffektar gjennom bruk av fornybar energi.

- Uklart kva konkret tiltak det vert søkt om og kva aktivitet det vil skape og kor raskt.
- Prosjektet i seg sjølv kan visa seg å vera godt på mange måtar. Tilskotet som Samnanger Kommune disponerer som Ekstraordinært næringsfond vil ikkje vera i stand til å møte søknadene frå Regn.
- Prosjektet må verte meir konkretisert der det går meir fram kva tiltak tilskotet skal dekke. Storleiken på prosjektet tilseier og at det bør søkjast fleire finansieringskjelder som t.d. Inovasjon Norge eller Enowa.
- Det er mogleg i søkje ved neste tildeling av fondet på mindre konkrete prosjekt.

Søknad 937.500 kroner – 0% tilskot.

Om forslaga vert vedtekne har ein til no fordelt ut i alt **NOK 664.200** i tilskot frå ekstraordinært næringsfond. Det står då att NOK 300.268 på fondet til seinare fordeling. Dette kjem i tillegg til ordinært kommunalt næringsfond.



SAKSFRAMLEGG

Sakshandsamar: Nina Erdal	Arkivkode: FE-223, FA-A10
Arkivsaksnr: 18/1485	Løpenr: 20/9082
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	28.10.2020	080/2020

Kommunalt tilskot til private barnehagar for 2021 Aadland gards- og friluftsbarnhage as

Rådmannen sitt framlegg til vedtak:

Vedtaket vert gjort med heimel i «Forskrift om tildeling av tilskudd til private barnehagar». Tilskotet vert berekna med utgangspunkt i kommunen sine driftsutgifter til ordinær barnehagedrift i 2019 og på bakgrunn av tal born i dei kommunale barnehagane i 2019.

Tilskotssatsane er pr heiltidsplass pr år.

Kommunal sats	Beløp
Born frå 0 til 2 år	Kr 230 033
Born frå 3 til 6 år	Kr 110 421

Detaljert berekning ligg i vedlagt rekneark. I grunnlag for utrekning av tilskotssatsar er det brukt føringar som ligg i framlegg til statsbudsjett om anslag på kommunal deflator for 2021 på 2,7 %, eit anslag på makspris for full barnehageplass på kr 3 230 pr md og at sats for pensjonstilskot er redusert frå 13 % til 11 %. Dersom det vedtekne statsbudsjettet legg til grunn ein annan deflator, makspris og / eller påslag pensjon, får rådmannen delegert mynde til å korrigera tilsvarande.

Statleg sats jf. forskrift	Kapitaltilskot jf. § 6
Born frå 0 til 2 år	Kr 9 300
Born frå 3 til 6 år	Kr 9 300

Dei statlege satsane kan bli endra dersom forskrifta vert revidert.

Dokument som er vedlagt:

Tilskot 2021 privat barnehage rekneskap 2019

Dokument som ikkje er vedlagt:

Forskrift om tildeling av tilskudd til private barnehager. Sjå Lovdata.no

Kva saka gjeld:

Kommunen skal utan ugrunna opphald vedta tilskot til private barnehagar ein gong pr år, frist er 31.10. året før tilskotsåret. Dette er heimla i «Forskrift om tildeling av tilskudd til private barnehager». Dette er ikkje delegert slik reglementet er i dag, men det bør inn i delegeringsreglementet.

Kommunalt tilskot til private barnehagar i 2021 skal bereknast med utgangspunkt i kommunen sine rekneskapstal for 2019. Forskrifta legg føring på korleis tilskotet skal bereknast. Utgangspunktet, jfr § 3, er at driftstilskotet til den private barnehagen skal bereknast ut frå gjennomsnittlege ordinære driftsutgifter per heiltidsplass i tilsvarande kommunale ordinære barnehagar. Dette er for å sikre at dei økonomiske rammevilkåra skal vera dei same for både private og kommunale barnehagar. Det skal vedtakast ein sats for born under 3 år (små born) og ein sats for born over 3 år (store born). I tillegg skal kommunen betala kapitaltilskot pr heiltidsplass som vert fastsett av departementet, jfr § 6. Kapitaltilskotet er pr oktober 2020 på kr 9 300 pr heiltidsplass. Alder på bygga til den private barnehagen avgjer storleiken på kapitaltilskotet.

I framlegg til statsbudsjett for 2021 er det foreslått å redusera pensjonspåslaget frå 13 % til 11 %. Regjeringa skriv at bakgrunnen for kuttet er at 94 % av dei private barnehagane har fått utbetalt meir pengar enn det dei faktisk har i pensjonsutgift.

I tillegg til den kommunale satsen skal kommunen kompensera den private barnehagen for tapt inntekt som kjem av vedtak om redusert foreldrebetaling og søskenmoderasjon.

Vedtaket om tilskot følgjer reglane om einskildvedtak etter forvaltningslova § 2 første ledd bokstav b.

Vurderingar og konsekvensar:

Forskrifta er detaljert, men det vil likevel vere noko tolking og skjønn som bestemmer kva som skal vera med i grunnlaget for berekning av tilskot. Utgangspunktet er at alle utgifter som kommunen brukar til ordinær barnehage skal vera med. Dette inkluderer og reinhald, utgifter til diverse vedlikehald og administrasjon. Ordinære driftsutgifter knyter seg til dei utgiftene kommunen har til basistilbodet, jf. § 3. Det som er knytt til styrka (særskilt tilrettelegging) går ut over det som er definert som basistilbod. Kommunen kan og trekke frå kommunen sine utgifter til barnehagemynd. Dette er berekna til ei 10 % stilling, men er i 2019 ikkje bokført som del av barnehageområdet.

Vedlagt ligg rekneark som viser korleis tilskotet er berekna. Tala er henta frå rekneskapen i 2019. Samnanger kommune har to mindre barnehagar og administrasjonskostnaden vert ført direkte på funksjon for barnehage og blir derfor trekt ut av reknestykket. Administrasjonskostnad vert deretter lagt til med 4,3 % av gjennomsnittlege brutto driftsutgifter, jf § 5. Grunnlag for vurdering ligg på side 4 (adm.utgift).

I forskrifta jf § 4 er påslag for pensjon på 13 %, men er i framlegg til statsbudsjett sett ned til 11 % som er brukt ved berekning av kommunalt tilskot for 2021. Dersom pensjonsutgifta til den private barnehagen er vesentleg høgare enn dette har kommunen plikt på å dekke meirkostnaden.

Satsane for 2021 skal indeksjusterast med deflator (forventa pris- og kostnadsvekst i kommunesektoren) frå 2019. Det som skal brukast er deflator i rev. statsbudsjett for 2020 og deflator i framlegg til statsbudsjettet for 2021. Korona-pandemien har gjort at 2020 er eit spesielt år og deflator har endra seg frå 3,1 % i statsbudsjettet for 2020 til 1,4 % i revidert statsbudsjett og no pr september er den på 1,6 %. Det er ingen fasit på kva som vil vere rett deflator pr no og me har valgt å bruke ein deflator på 2 % for 2020.

Frådrag for foreldrebetaling vert berekna ut i frå vedtatt statleg makspris i 2021 som i framlegg til statsbudsjett er på kr 3 230 pr fulltids plass frå 01.01.21. I 2020 var satsen på kr 3 135.

Med dei føresetnadane som er lagt til grunn om deflator, makspris og pensjonspåslag vil dette gje eit tilskot for 2021 på kr 230 033 (kr 197 877) for dei under 3 år og kr 110 421 (kr 93 141) for dei over. Sats for 2019 i parentes. Rådmannen bør få delegert mynde til å gjere nødvendige endringar når statsbudsjettet vert vedtatt.

Til samanlikning er dei statleg berekna tilskota pr born pr heiltidsplass for 2020 (med 13 % påslag pensjon) på kr 231 600 for dei under 3 år og kr 111 800 for dei over 3 år. Dei statlege tilskotssatsane skal brukast i kommunar utan kommunale barnehagar.

Det har vore arbeidd mykje med budsjettet til dei kommunale barnehagane dei siste åra for å sikre at dei har ei korrekt økonomisk ramme som er i samsvar med tal born i barnehagen. Ei av dei største utfordringane er å ta ned den økonomiska ramma (og tal stillingar) når tal born vert redusert.

Aadland gards- og friluftsbarnhage får tilskot i 2021 basert på tal born i den private barnehagen pr 15.12.2021 (rapportering i BASIL - barnehagestatistikk). I tillegg vil dei få kompensert for redusert inntekt knytt til vedtak om redusert foreldrebetaling og/ eller søskenmoderasjon. Dei kan og ha krav på tilskot til auka bemanning dersom dei har born som har krav på tilrettelegging.